



7. januar 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuninnga apeqquteqaateqarpunga:

Naalakkersuisunut apeqquteqaatit:

- 1. Inatsisitigut aporfissat suut peqqutigalugit kalaallit peqqissaasut nunarput qimannngikkaluarlugu immikkut ilisimasaqarfiit tarnikkut immikkut ittumik ilinniagallit, nappaatip piartuutaasut ersetutai aallaavigalugit ilinniagallit, Stomi-mut tunngasut allallu ilinniaqqiffigineqarsinnaaneri periarfissaanngitsut?**
 - a. Qallunaat ilinniaqqittarfiisa immikkut isumaqatigiissuteqarfiginerisigut qarasaasiakkut internet atorlugu ilinniaqqissinnaaneq Naalakkersuisut takorluugaqarnerpat?**
 - i. Pisortani aningaasatigut allaffissornikkullu kingunissaat suussappat periarfissamik ammaanermut?**
 - b. Naalakkersuisut ilisimatitsisinnaanerlutik, Peqqissaanermik ilinniarfik Qallunaat Nunaanni ilinniariaqqiffiit – pikkorissarfiillu center-iinut isumaqatigiissuteqarnerlutik nunatsinniignnarluni Peqqissaasut ilinniaqqissinnaanissaanut pikkorissaqqissinnaanissaanullu ammaassisinnaasumik?**
 - i. Pisortani aningaasatigut allaffissornikkullu kingunissaat suussappat periarfissamik ammaanermut?**
- 2. Naalakkersuisut uppernarsarsinnaanerlunkku Kalaallit sundhedsassistentit Qallunaat Nunaannut ilinniariaqqittariaqartarnerat, naak maani nunatsinni peqqissaasunngornissamut ilinniarfeqaraluartoq?**
 - a. Ilumooprat; suut tunngaviuppat Inatsisitigullu suut aporiuppat ima ajornartigippat allaat sundhedsassistentit peqqissaasunngorusullutik nunaminni ilinniarsinnaanginnerat?**
- 3. Ilinniakkamik qaffasaanermut ilinniaqqinnissamullu Aningaasanut Inatsimmi immikkoortitsisoqarnikuovoq, Peqqinnissamut Naalakkersuisoqarfiup ataani. Naalakkersuisut ilisimatitsisinnaanerlutik aningaasat immikoortinneqarsimasut tamarmik atorneqartarnersut?**
 - a. Qassit periarfissamik atuisimappat, ilinniariaqqiffiillu sunut ilinniariaqqittut akuerineqarsimappat?**
- 4. Naalakkersuisut pilersaaruteqarnerlutik qaffassarfiit ingerlariaqqiffiit kandidat-iusut ingerlariaqqiffiillu assigiinngitsunut pilersitsinissamut, soorlu inuiaat peqqissusaannut ilisimatusarnerit imaluunniit meeraaqkerisut ilinniarfianik, maani nunami najugaqartunut?**
 - a. Nukiit qanoq annertutigisut atorneqassappat?**
 - b. Pisortanut aningaasatigut allaffissornikkullu kingunissaat suuppat ilinniaqqiffiit taamak ittunut?**

(Inatsisartunut Ilaasortaq Anna Wangenheim, Demokraatit)



Tunngavilersuut

Nunarsuatsinni annertuumik immikkut ilisimasaqartunit taavalu peqqissaasutut, nakorsatut aammalu peqqissutsimut ilinniarsimasut assigiinngitsut ikiliartornerisa kinguneraa Kalaallit Nunaanni ukiorpaalunngulersuni peqqinnissaqarfimmut suliersitsiniarnerit ajornakusoorsimanera. Piviusoq tamanna siunissami suli peqqinnissaqarfimmi suliersitsiniarnerup ajornarsiartuinnavinnissaanik kinguneqassaaq.

Maani nunatsinni nunanilu allani inuiaqatigiit nutaaliaasuni unammillernartuuvoq, innuttaasut inooriaaseq aallaavigalugu nappaateqalersarnerannik. Ukioqqortusiartuinnavippugut inuunerullu sinneranik pigineqartussamik nappaatillit amerliartussapput, tamannalu peqqissaasut immikkut ilisimasaannut aamma piumasaqaatinik annertusaaqataasussaapput. Taamaattumik peqqinnissaqarfimmi sulisut innuttaasut pisariaqartitaannut naleqqussaataasumik ilinniakkamik qaffassaanissaat pisariaqartippagut.

Ilutigalugu ukiorpassuarni sulisimasunik paarinniinnarnissatsinnut kinguneqassaaq, periarfissaqalissasullu namminerminnut innuttaasunullu iluaquatasussamik, kisiannilu aamma peqqinnissaqarfiup ulluinnarni ingerlaneranut ineriaartuutasussamik.

Know-how maani nunatsinniiginnarnissaanik pikkorinnerulerteriaqarpugut. Ilumoorsinnaanngilarmi ilinniariartortsisassasugut pikkoriffiit pissutsit allanut tulluussartikkiartorlugit, kinguneqarsinnaasumillu nunatsinnut utinnginnissaannut. Nukiit tamaavimmik nunatsinni atorfissaqartippagut.

Taamaattumik pissutsit assigiinngitsut paasisaqafiginissai pisariaqartippara sulisunut, innuttaasunut inuiaqatigiinnullu tamanut iluaquatasussamik pineqartullu immikkut sammineqarnerunissaanik pingaarutilimmik, qanorlu peqqinnissaqarfimmi maannakkut siunissamilu suliassat naammassineqassaneranik.

Apeqquitit ullut qulit suliffiusut iluanni akineqareersimanissaat kissaatigaara.